



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Discedit in Italiam.

urn:nbn:de:hbz:466:1-41515

est Principibus causa, quæ commeatum beneficium mereretur. Duos tamen Ferdinandus Regis numero menses ad reuertendum præscripsit. I. cum ex Austria Nicolaum Lanoium, Vismarum Goisonium ex Boëmia, qui Collegiorum Rectores, & Vota quatuor professi erant: Ioannem Cuijlonium ex Bauaria, qui nullo in magistratus sed solùm erat Professorum è numero, Passauum Ratisbonæ vicinam urbem euocasset (plures nim acciri, nec tempora, nec res, quæ erant in manibus, sinebant) cum iis consultationem habu decretumq; est, vt ipse duntaxat Canisius, & Lanarius iter in urbem susciperent. Ille potest numerari Germaniæ Prouinciæ primus conuentus habitus extra Societatis domicilia, atq; ex æquo, bonoque magis, quam ex certa formula institutus. Iam Patauium in Italiam lecti Patres peruererant pridie Kal. Nouembris, cum cognoscunt in anno proximi ver dilata comitia, retroq; confessim unde venerant, reuertuntur, maximè lato Canisio ob exercitam obedientiam, quæ scilicet arduam peregrinationem, quamuis exitu cassam, neutrum sinebat mercede frustrari. Hærenim obedientiæ vis est, vt carere successu possit, fructu non

*Discedit in
Italiam.*

non possit: cum, vbi cetera destituunt, ipsa sibi sit
pretio.

Maturandi redditus causa fuit Ratisbonensis conuētus; vbi, si de religione ageretur, quod quidem mouendum in præsens nullo modo censebat Canisius: verūm, si prohiberi nō posset, apud se decretum habebat impiorum conatibus, quo stragem minorem ederent, & operam, & vitam suam opponere. Quippe & bellum quod inter Pontificem, & Regem Philippum in Italia gerebatur, præcipitatem iam in Germania religionem haud leuiter impellebat. In redditu transiens OEniponto surgētem vidit præclari ædificij mollem, quod Ferdinandus Rex Societatis Collegio destinabat. Inde progressus Dilingam ad Cardinalem Augustanum, exceptusque fraternalis planè animis, quosdam antiquos libros Ratisbonensi conuentui admodum accommodatos, calcho-graphis typis euulgauit. Sub ea Ingolstadianos reuisit socios, & aliquandiu aduersa valetudine conflictatus est. Quæ vbi primum permisit, Ratisbonam recurrit: modesteq; Cardinalis Othonis, qui præiuerat, recusato hospitio, religiosæ simplicitatis studio, & maioris otij causa ad res anima-

Reuertitur
in Germaniam.